

王強 主編

近代世界史文獻叢編

11



廣陵書社

近代世界史文獻叢編
11



廣陵書社

貴州师范学院内部使用

第十一冊

歐洲列國戰事本末（二） 王樹楠 著 清光緒二十八年 中衛縣署刊本

.....

歐洲列國戰事本末

李嘉璠署檢

貴州师范学院内部使用

歐洲列國戰事本末卷十二

新城王國

荷蘭

西班牙之戰

荷蘭爲歐洲小國。古稱尼特蘭。尼特蘭者。譯言低地也。西

歷紀元一千五百十四年。日帝甲列第五。一作加羅得尼特

蘭國。爲日耳曼第十郡。一千五百五十五年。甲列子腓立

第二。兼王荷蘭西班牙二國。以其妹馬加勒達爲尼特蘭

督。尼特蘭人奉新教。腓立設嚴法禁止。上下憤怨。以克門

侯親至西班牙。請腓立弛其禁。腓立弗從。而監督承腓立

旨虐殺教人益甚阿蘭治

一作俄蘭文

侯維廉

一作訥口威廉一作偉聯

忠勇有

才謀脫西人羈輓約以克門侯何倫侯抗腓立北部七州

貴族咸訂盟謀腓立聞尼特蘭人破壞羅馬教大怒命

亞爾巴

一作阿勒巴

往治其罪亞爾巴欲盡殲新教人遭戮者一

萬八千以克門何倫二侯亦極刑處死國人不堪其暴咸

助維廉起義兵一千五百七十年戰敗西兵於哥羅凝俺

維廉弟亞德弗戰死明年又戰於非里薩尼特蘭人敗績

亞爾巴志氣益驕常大言曰余蒞茲土無幾時耳而能使

一萬八千異教之人死於予手其功德爲何如也一千五

百七十二年尼特蘭人襲取南荷蘭之不里爾北荷蘭諸

部聞之多應維廉者各部結盟推維廉爲荷蘭西蘭烏特
立三洲太守亞爾巴益發兵攻陷諸邑肆行殺掠獨亞格
馬爾堅守弗爲之下腓立調亞爾巴回國以湯路易爲尼
特蘭督湯路易圍來丁一作登數月不能拔一千五百七十
四年湯路易破維廉於磨克維廉弟路易顯理俱戰歿於
陣西兵既大勝欲盡夷諸部會湯路易病死諸部得稍蘇
一千五百七十六年諸部設公會立共和約許國人奉教
自由一千五百七十八年西王以巴爾馬爲尼特蘭督巴
爾馬發兵擊降南部諸邑明年北部民樹大旗會於烏特
立防西兵侵掠號曰烏特立同盟以維廉爲盟主維廉誓

於衆曰西人刀俎我民戰死不戰亦死甯死以決勝負幸而濟國之福也不濟則決海塘蹈水以死其幸而免者乘方舟遁萬里外必不爲所辱也衆皆泣下齊聲曰君言是也遂引兵而進巴爾馬攻拔北部諸邑受拉連人若耳治賄使爲列侯助之行虐政一千五百八十年北部七州民合縱請法王弟佛朗西斯任尼特蘭全權明年告腓立與之絕時人稱之曰共和黨佛朗西斯在尼特蘭二年無功遜位國人奉維廉第一腓立懸重賞購殺維廉一千五百八十四年舊教人以鎗殺維廉於特弗多時巴爾馬圍安都厄比攻之急城將馬爾尼斯拒守十四月力竭城陷尼

特蘭人以軍鋒日挫且維廉子繆利都

一作富利斯
一作歐立白

尙弱恐

不能當西兵乃請法王顯理第三主荷蘭顯理不允請英

女王依利薩伯亦不允允助以兵一千五百八十五年雷

塞斯德

一作雷
識特

將英兵六千至荷尼特蘭長老奉之爲督雷

塞斯德無將才其從子錫的尼戰死明年雷塞斯德召還

英味羅比代之爲帥西兵奪要地味羅比逃歸是時蘇格

蘭女王馬利爲英王所殺馬利者助加特力者也腓立聲

英王罪將復仇而奪其國一千五百八十八年西人發戰

艦一百三十五艘大礮二千四百三十一門戰士三萬人

號曰無敵船隊巴爾馬亦率比利時兵三萬四千與西將

麥代那馬的奈士

一作麥待那悉德尼

渡海合而伐英。英王下令蒐軍。

實國人皆踴躍赴戰。募集戰艦一百八十一艘。海兵一萬七千四百七十二人。厚亞武將之。駐伯來謀南海口。陸兵六萬三千五百。雷塞斯德將之。駐達迷斯河口底爾伯里。英王乘馬誓師。境內教堂皆禱上帝。求助英破敵。西將麥代那號知兵。而不習水戰。船入非尼斯德海角。爲颶風所壞。泊哥拉那。修整完固。開行抵英西南境。英水師將校方戲於岸。聞警急入水寨。瞭望西船。蔽海而下。長二十餘里。船巨而高。掉運不利。英人皆大喜。及戰。英船小而礮利。西船發礮高不能中。麥代那率舟師駛入英倫岔。英船截其

前且行且戰誘入多弗峽英船大隊畢出西軍泊加勒斯海口使巴爾馬出兵比利時巴爾馬懼不敢進謂麥代那曰我師宜陣於騰格克先攻英水寨然後登岸擊之克之必矣西船遂移師至騰格克而英之水師已大集八月七日英擢火船入西陣縱火焚數艦西師自亂明日大戰自寅至酉西人敗績舟大壞駛出北海周英國洋面而奔至疍哥尼島遇颶風馬驢礮彈盡棄於海舟震盪四散至比斯加只三四艘死者數萬人喪軍資數百萬西王不以介意跪謝天主依利薩伯亦率羣臣詣聖保羅殿祝上帝尼特蘭聞西人之敗製一圓牌銘上帝功曰神風之力也西

國兵威至是大挫。繆利都稍長，雄武過父，精通兵畧，有將才。一千五百九十年，擊破西兵，取北部諸邑。西人每戰不利，而巴爾馬又敗死，大失勢。一千五百九十八年，尼特蘭尊繆利都爲王，腓立第二以其長女依薩伯拉嫁奧斯地亞上公亞爾伯，以尼特蘭充裝資。於是亞爾伯夫妻至尼特蘭，與繆利都戰於發蘭德西地，大破亞爾伯之師，擒西將門多撒。是時兩國戰爭已久，皆厭兵。一千六百八年，亞爾伯夫妻及西人尼特蘭人會於安都厄比，立約罷兵。許尼特蘭七省自立。一千六百二十一年，荷蘭七省合以攻西，西兵始製行軍之磨，法助荷，鑲銀二百五十萬，與之盟。

曰若與西和必先告法也。一千六百二十七年荷與英立約攻西。越三年復與法立約。西人來請和不許。一千六百三十九年水師提督萬德朗擊西國海軍於兌茵斯大破之。荷自是日益振興。後此數十年遂爲歐洲強國之一。君子曰西班牙之於荷蘭重怒甚矣。重怒難任。陵人不祥。其腓立之謂乎。夫教之向背非伊朝夕之故矣。調維之不善而以虐濟之。所謂已則不明而殺人以逞也。藏文仲之諫魯僖公曰君其無謂邾小。蠹蠹有毒而況國乎。荷蘭者歐洲之小國也。維廉父子以不忍同教之虐誓死抗西卒能屈霸主之威。畫疆自主。詩曰如火烈烈則草我敢曷。若荷人

之同心協力以謀自立其國者其又誰敢曷之耶

英國之戰

西歷紀元一千六百四十九年英人弑其王查爾斯愛爾蘭蘇格蘭二土民奉查爾斯之子爲王號查爾斯第二叛黨以格朗宅爲愛爾蘭牧伯擊敗王軍查爾斯奔法遂入荷蘭時英高門宅

下院叛黨定合眾政謂之高門宅高門宅者言使眾獲益也

使斯的格蘭

約翰爲荷公司荷人惡而謀毆之約翰慚而歸國立海上條規畧言凡亞西亞非理駕亞美理駕各土之貨必由英船載至惟歐洲貨物或用各邦本土之船其意在窘荷蘭荷蘭爭之起兵擊英一千六百五十二年荷將萬德朗

將戰艦十四艘至英境。英將不勒格令荷艦去其桅。曰：此海之上，英爲政。荷人怒，交兵。萬德朗敗，失二舟。荷人以雷德爾代之，擊英大將亞斯果。一作愛斯果於伯來謀。亞斯果被傷，敗績。不勒格以兵船四十遇萬德朗之師。萬德朗率戰艦八十、火船十艘，戰於洋面。英師敗退。荷人以帚縛桅竿上，駛至英界，大呼曰：吾兵此來，特欲掃除洋面耳。英乃增船八十，與萬德朗戰於波蘭海上三日。荷師大敗，失商船三十、兵船十一，殺虜三千五百人。明年，英將猛格與萬德朗互攻。不勒格宵至，敗荷人，再戰於荷蘭洋面。萬德朗陣亡。兵大潰。荷人氣索，乃與英和。誓奉英船旗號於小海。荷蘭商

賈之盛，徧海內，幾與英埒。英人忌之。一千六百六十四年，英奪荷之屬地，在亞美理駕者，改稱紐約克。兩國爭戰，復起。明年，荷將空塞那與英將約克戰於路易突海上。兵初交，荷軍敗，空塞那死之。至六月，英水師列三寨，約克將上軍，王子路伯將中軍，三味將下軍，與荷將屋伯丹鏖戰，摧荷師，喪兵船十九。屋伯丹船爲藥力所激，騰空墮死。一千六百六十五年，荷船麤至，與英軍相遇於騰格克。荷將雷的爾引兵退，荷遣別將來襲，擊破之。火其商船一百四十艘。荷人思復仇，乘英多難，以戰艦七十駛入英境。一千六百六十七年，荷船駐達迷斯河，焚英之船，燬軍壘。英相格